



SAKSPAPIR

Saksnr	Utval	Type	Dato
12/2018	Levekårsutvalet	PS	16.04.2018

Sakshandsamar	Arkiv	ArkivsakID
Solrun Hauglum	FA - F08	18/400

SAMARBEID MED FRIVILLIGE

Vedlegg:

første side SFS

Rådmannen sitt framlegg til vedtak:

Saka vert teken til orientering.

Levekårsutvalet - Sak 12/2018

LEV - Behandling:

Kommunalsjef helse og omsorg orienterte.

Samrøystes vedtak.

LEV - Vedtak:

Saka vert teken til orientering.

Saksopplysningar:

Vaksdal kommune har som mål å styrka samarbeidet med pårørnde og frivillige, noko som kjem til uttrykk i planar og styringsdokument vedtekne av Kommunestyret.

I Kommunedelplan helse og omsorg 2015 – 2030 er ein av fem hovudstrategiar å mobilisera og engasjera omsorgsressursar i samfunnet. Me ønskjer å støtta opp om og oppmuntra til frivillig arbeid og leggja til rette for godt og strukturert samarbeid med Frivilligsentral, lag og organisasjonar og enkeltpersonar. Denne satsinga vert følgt opp i Økonomiplanar/Handlingsprogram for fireårsperioden, i Årsbudsjett og i styringsdokumentet for «Lev Vel i Vaksdal».

Både nasjonalt og internasjonalt vert det satsa på samarbeid mellom kommunale tenester og frivilligheit, og det vert frå styrande myndigheiter understreka kor viktig dette samarbeidet er og vil verta fram i tid. «For å skape bærekraft er det ikke bare nødvendig å bruke personellressurser annerledes, men også å samarbeide på nye måter med frivillige, ideelle organisasjoner og

pårørende.» (Primærhelsetenestemeldinga, Meld.St.26, 2014-2015)

Tenesteområde Helse og omsorg har dei siste åra jobba målbevist for å styrka samarbeidet med frivillige, med brukarar og pårørande og deira representantar. Tenesteområde Oppvekst og Samfunnsutvikling deltek også der det er aktuelt. Me opplever stort engasjement frå fleire hold og ønskje om å bidra til meir strukturert samarbeid.

Eldrerådet i Vaksdal inviterte i november 2017 til idédugnad for å drøfta med aktuelle partar korleis ein kan samarbeida for å tilretteleggja for aktiv og meningsfull kvardag for eldre i kommunen. På møtet var det semje om at ein skulle jobba for meir strukturert samarbeid mellom kommunale tenester, organisasjonar, Frivilligsentral og andre frivillige. Ein ønskte betre kommunikasjon mellom dei ulike aktørane og betre koordinering av tilbod og aktivitetar. Det vart sett ned ei arbeidsgruppe som skulle jobba vidare med dette.

I det vidare arbeidet har me sett trong for eit verktøy som kan bidra til betre koordinering og oversikt og som kan vera til hjelp ved annonsering av aktivitetar. Me har valt å satsa på Friskus, ein digital samskapingsplattform for aktivitet og frivilligheit. Friskus som arbeidsverktøy skal sikra effektiv og kvalitetssikra planlegging, oppfølging og rekruttering. Aktivitetar som vert lagt inn, kjem fram i ein kalender som viser oversikt over det som skjer i nærmiljøet. (Sjå vedlegg)

Friskus er under utarbeiding som digital møteplass for arrangør/koordinator, frivillige og deltakarar, og Vaksdal vil i 2018 vera ein av kommunane som er med og utviklar og prøver ut dette verktøyet. Det er sett saman ei prosjektgruppe med deltakarar frå helse og omsorg, Eldrerådet, Brukarutvalet for institusjonar, Frivilligsentral, Dale og Vaksdal Røde Kors Omsorg. Fleire tenesteområde og lag og organisasjonar vert kobla på etter kvart.

Det vert gitt orientering om samarbeid med frivillige og om samskapingsplattformen Friskus under møtet.